

修谱例言十则

一本谱自元祖公以上无从稽考欲溯厥渊源必往西蜀北川家犹有老谱余等一时难追但此时既续入心乍聚必至异地以求老谱老谱一得人心自无涣散再待后贤谱续者

二赴公端赖有首士而成美必由于捐貲无首士倡率则散户无所观型无捐貲玉咸则公费无所出办至功成义就之日不为之列其名数于籍中又何以劝后人之乐善趋公乎是用表彰以使斯人斯谱永垂不朽

三派之维系所以纲领乎一族犹散钱之系乎一索也倘若听其支分派异何以正名定分余族散处多方溯厥由来俱为一气今将宗派刊布使阖族遵行无弊

四约族条教所以劝戒时辈传示子孙使之向善背恶跻宗风于醇厚也故美恶皆列法惩并明援古据今条分缕析令彼揭可观者惺然惕然于家法之当遵而不敢悖家纲国典上下相维世道人心远近相感表扬

盛世淳熙之化岂仅一家一族而已哉

五 世系编列久有定式苏欧两翰修谱之宗式虽不同各有所取余等准古酌今谨遵毆公之法五服遞承周而复始直则父子相继横则兄弟并行某派定在某行先于长房讳前书第几世以贯之使观者朗然次序兼杜族中提派矮派之

六 各门或有赞序或有契据或有新置墓宅图形务宜从实不宜妄书以图强佔倘有此不惟诬昧貽讥且启后人争讼之衅予等查出重行处罚

七 派行宜概取双名不可取单名以混尊卑人情多于命名时故取单名以图乱派之阶至若士人考试捐纳取单名者恒多在家则仍取双名登谱时如有功名者将官名载于讳之后庶几世系攸分

八 宗派乃合族公较刊传不易异代虽有贤哲过人亦不得私相綴择即至异日或有关碍徽号圣讳应行避忌者亦当通知合族纠集宗祠共议某字换作某字庶几久而无弊

九 族大丁繁续谱后断不准兄收弟妻弟纳兄嫂异姓乱宗同姓开亲等弊如有此项查出必须鸣族登时削去男逐女嫁并及本房家长概不准入谱神主不准入宗祠庶几伦常不乖而本支不素

十每门置红簿一本以随祖转于每年合族祀祖之日将各门所添之丁带丁费钱八十文登于簿上恐有同名者宜于是日查明改之生有先后改则必于后生者改之以免同名之弊但所积之钱犹宜严令值人经管若后贤修祠续谱者免其临事掣肘

阅谱定例

宗谱之修上溯示祖下叙子孙以及巨细勲名远近凭据典綦重矣非可随手翻阅任情借取者也故必牙签锦轴简牘珍藏各房轮掌开有定期或遇仲祭宣讲或值掌管交卸或逢迁徙回籍或究本寻源或